

Falsafah MIM bangkit semangat orang Melayu

BH 6/1/07 Ms 21

NAIB Canselor Universiti Teknologi Mara (UiTM), Prof Datuk Seri Dr Ibrahim Abu Shah (**gambar**), menghasilkan nukilan istimewa bagi membangkit semangat masyarakat Melayu supaya tidak mudah berpuas hati dengan kejayaan dinikmati.

Menerusi buku berjudul *Falsafah MIM* itu, beliau mengetengahkan kesungguhan serta ketekunan masyarakat Melayu agar terus berjuang bagi berada sebaris bangsa lebih maju.

Beliau berkata, kesungguhan itu sebagai menyahut cabaran dan memartabatkan bangsa sebagai masyarakat asal tanah air tercinta berjuang bermati-matian sebelum ini yang jauh ketinggalan kesan pentadbiran pecah dan perintah British.

Catatan istimewa itu disifatkan diterbitkan tepat pada masa Perhimpunan Agung Umno 2007 akan yang berlangsung tiga hari mulai esok dan sempena sambutan 50 tahun kemerdekaan negara.

"*Falsafah MIM* terbitan Pusat Penerbitan UiTM berkulit keras setebal 92 muka surat sarat dengan mesej untuk dikongsi bersama dan sesuai sebagai bahan bacaan asas perwakilan sebelum meneruskan hujah perjuangan.



"Kekuatan Melayu terbukti mampu menawan dunia dengan membawa UiTM ke persada antarabangsa dan terus gemilang sepanjang penubuhannya 51 tahun lalu.

"Bermula dengan 80 pelajar dengan kampus di Jalan Othman, Petaling Jaya, kini jumlahnya lebih 100,000 orang di 20 kampus seluruh negara," katanya ketika ditemui di pejabatnya di Shah Alam, semalam.